

景定建康志卷之十六

承直郎宜差充江南東路安撫使司幹辦公事周應合修纂

疆域志二

鎮市

淳化鎮

在上元縣東四十五里鳳城鄉淳化五年置

金陵鎮

在江寧縣南六十里本陶吳鋪景德二年改

為鎮

秣陵鎮

在江寧縣南五十里

常樂鎮

在句容縣東南五十里天禧元年以鎮置寨

二百七十二

建康志卷十六

下蜀鎮

在句容縣北六十里

土橋鎮

在上元縣東南六十里與句容縣兩界

東陽鎮

在句容縣西北六十里郡國志云楚漢之際

改秣陵為東陽郡因為名有館驛

江寧鎮

在江寧縣西南六十里

鄧步鎮

在溧水縣南一百二十里乾道四年正月差

官收稅寶祐四年權鎮張師魯申府移東垣市收稅

龍家莊鎮

在溧水縣南四十五里

固城鎮

在溧水縣南九十五里

高淳鎮在溧水縣南一百里

梁善鎮俗名戴步在溧陽縣南三十五里

元善鎮在溧陽縣西南六十里乾道四年移稅額於

溧水縣鄧步

市案宮苑記吳大帝立**大市**在建初寺前其寺亦

名大市寺宋武帝永初中立**北市**在大夏門外歸善

寺前宋又立**南市**在三橋籬門外鬪場村內亦名**東**

市又有**小市**牛馬市穀市蜆市紗市等一十所皆邊

淮列肆裨販焉內**紗市**在城西北耆闍寺前又有**苑**

市在廣莫門內路東**鹽市**在朱雀門西今銀行花行

雞行鎮淮橋新橋筴橋清化市皆市也舊志

考證南史徐度傳云徐嗣徽任約等來寇高祖

敬帝還都時賊已據石頭市廛居民並在南

路去臺遙遠恐為賊所乘乃使度將兵鎮于冶

城築壘以斷之以此知六朝市廛多在淮水之

北冶城之東也○通典梁有**太市南市北市**合

太南北三市丞陳淮水北有**大市**自餘**小市**十

餘所○隋食貨志言陳時淮水北有**大市**十餘

所置官司稅歛既重時甚苦之○庾闡場都賦云其寶貨則瑤琨琅玕青碧素珉陽球散火陰田潛珍雲英水玉錯耀龍鱗煥若金膏晃若銀燭瑠璃冰清而外映珊瑚觸石而上翹牙簞列文於象齒火布濯穢於炎焱西岨石城則舟車之所會東盡金塘則方駕之所連○梁庾肩吾游市詩云旗亭出御道游目暫迴車○晉史廷尉張闔住在**小市**南史後廢帝元徽二年張敬兒破賊宣陽門莊嚴寺小市○丹陽記曰苑城

市謂之**苑市**秣陵有**門場市**○寰宇記云東晉

咸和中置七尉右尉在**紗市**今屬上元縣鍾山

鄉張循王北莊前平地是也○宮苑記南尉在

草市北湘宮寺前其地在今上元縣治東北○

齊東昏侯宮中立**官市**使官人屠沽帝爲市魁

後主重關市之征以陽惠朗爲太市令

市在上元縣神泉鄉湯山延祥院之前去城六

十里

樓霞市在上元縣長寧鄉攝山樓霞寺之前去城四

十五里

索墅市

市有索墅坊在上元縣清化鄉去城五十里

泉都市

在上元縣泉水鄉亦名龍都去城五十五里

東流市

市有橋曰東流以水流自東因名之在上元

縣宣義鄉去城四十里

花林市

南至曹村五里北至大江十二里齊梁諸墳

多在其地屬上元縣清風鄉去城三十五里

龍灣市

在上元縣金陵鄉去城一十五里

竹篠市

在上元縣長寧鄉去城二十里

二百九

建康志卷十六

四

蛇盤市

在上元縣開寧鄉去城二十里有館驛

麒麟市

在上元縣開寧鄉去城三十里

西千市

在上元縣長寧鄉去城四十五里

章橋市

在上元縣長寧鄉去城五十里

石井市

在上元縣長寧鄉去城二十五里

五城市

在上元縣崇禮鄉去城二十五里

北橋市

在上元縣丹陽鄉去城六十里

湖熟市

在上元縣丹陽鄉去城六十里

新林市

在城西南二十里

板橋市 在城西南三十里

銅井市 在城西南八十里

東口市 在城南長干橋下東今烏衣巷口是

西口市 在城南長干橋下今西街口是

小口市 在城西南江寧縣安德鄉

朱門市 在朱門南

水橋市 在江寧縣歸善鄉

杜橋市 在江寧縣萬善鄉去城四十里

路口市 在城南七十里

倉頭市 在句容縣仁信鄉去城九十里

柴溝市 在句容縣琅邪鄉去城七十五里有館驛

白土市 在句容縣來蘇鄉

高友步 俗名上步在溧陽縣南二十五里

周城步 在溧陽縣西南四十五里

上興步 在溧陽縣西六十里

黃蓮步 在溧陽縣西北五十五里

街巷

古御街 案宮城記吳時自宮門南出至朱雀門七八

里府寺相屬晉成帝因吳苑城築新宮正中曰宣陽門南對朱雀門相去五里餘名爲御道夾道開御溝植槐柳梁武帝克東昏焚其奢淫服六十二種於御街今自天津橋直南夾道猶有故溝皆在民居卽古御街也又有右御街在臺城西掖門外案宮苑記吳太初宮北曰元武門北直對臺城西掖門前路東卽右御街是也其實自大司馬門出爲御街自端門出爲馳道自西掖門出爲右御街端門卽閭闔門

朱雀街

按宮城記自宮門南出夾苑路至朱雀門七

三百六十一

建康志卷十六

六

八里府寺相屬輿地志云朱雀門北對宣陽門相去六里名爲御道夾開御溝植柳環濟吳紀曰天紀二年衛尉岑昏表修百府自宮門至朱雀橋夾路作府舍又開大道使男女異行夾道皆築高墻瓦覆或作竹藩庾闡揚都賦云橫朱雀之飛梁豁八達之遐衝

考證

世說曰宣武出鎮南州謂王東亭曰丞相

初營建業無所因承而置制紆曲方此爲劣東亭曰此丞相乃所以爲巧也江左地促不如中國若使阡陌條暢則一覽而盡故紆餘委曲若

不可測今臺城在府城東北而御街迤邐向南
屬之朱雀門則其勢誠紆迴深遠不可測矣○
侯景緣淮作塘自石頭至于朱雀街十餘里中
樓雉相屬○宋彭城劉俊司空勔之長子勔見
害於朱雀街俊兄弟平生不行此路

焚衣街 在御街

考證 齊東昏侯製四種冠五彩袍一月中二十
餘出晨出三更歸夜出清晨返梁自襄陽出師
廢東昏侯焚奢淫異服六十二種於御街後人

三百七十一

建康志卷十六

七

號其所曰焚衣街

揚虞部詩雉頭金鏤及珠胎
煙結香雲晝不開御路傍人

空歎息逡巡紅焰作青灰○
馬野亭詩玉指親裁五彩衣尚方工作極纖奇看來亡國都緣此
焚向通衢了不遺鷓羽化為青燒去雉頭還有紫煙隨更須大字書華表要使將來盡得知

孔子巷

在青溪側大仁寺前西南古長樂橋東一里

考證

輿地志云孔子廟在樂遊苑東隔青溪水

聖寺侯所奉之廟也舊在溪南丹陽郡之東南
本東晉所立中廢宋元嘉十九年詔復孔子廟
至齊遷於今處以舊地為浮圖今名孔子寺亦

名孔子巷

在城東南五里古長樂橋東○建康

實錄晉孝武太元十一年立宣尼廟故丹楊郡城前後移廟過淮水北以舊處爲孔子寺亦呼其巷爲孔子巷

國子監巷

今鎮淮橋北御街東舊比較務卽其地

考證南唐跨有江淮鳩集典墳特置學官濱秦淮開國子監里俗呼爲國子監巷

烏衣巷

在秦淮南晉南渡王謝諸名族居此時謂其

子弟爲烏衣諸郎今城南長干寺北有小巷曰烏衣去朱雀橋不遠

舊志

三百十三

建康志卷十六

八

考證

丹陽記曰烏衣之起吳時烏衣營處所也

○晉記江左初立琅邪諸王居烏衣巷王敦謀逆導憂覆族使郭璞筮之卦成嘆曰吉無不利淮水竭王氏滅子孫繁衍○世說王導曰庾元規若來吾角巾還烏衣南○王僧虔爲御史中丞領驍騎將軍甲族由來不居此官王氏分枝居烏衣者位宦微減僧虔爲此官乃曰此是烏衣諸郎坐處我亦可試爲爾○建康實錄云紀瞻立宅於烏衣巷屋宇崇麗園池竹木有足賞

翫焉○吳虎臣能改齋漫錄云今世小說尤可笑者莫如劉斧摭遺所載烏衣傳引劉禹錫王謝堂前之句遂為唐朝金陵人姓王名謝因海舶入燕子國其實以烏衣為燕子國不知王一者王導等人謝者謝鯤之徒也按世說諸王諸謝世居烏衣摭遺之說亦何謬耶○藝苑雌黃云按輿地志晉王氏自立烏衣宅當時諸謝口口烏衣之聚皆此巷也王氏謝氏乃江左衣冠之盛者故杜詩云王謝風流遠又云于今王謝即比

觀劉斧摭遺乃以王謝為一人姓名其言既怪誕遂託名於錢希白終篇又以劉夢得詩以實其事希白不應如此謬是劉斧妄言耳○宋書云謝鯤風格高峻少所交納惟與族子靈運瞻曜宏微並以文義賞會共宴處居在烏衣巷故謂之烏衣游鯤五言詩云昔為烏衣游賦賦皆子姪其地在今城東南五里

劉夢得詩朱雀橋邊野

斜舊時王謝堂前燕飛入尋常百姓家有釋此詩者云烏衣者土服之多也朱雀橋邊野草花喻無大賢也烏衣巷裏夕陽斜謂歲久儒服少也可憐王謝堂前燕謂二賢舊居不存也飛入

尋常百姓家謂此地俗人所居傷其時乃作是詩也。○**楊**真詩人物風流往往非空餘陋巷作烏衣舊時簾幕無從覓祇有年年社燕歸。○**朱**希詩關閣淪亡桂桓移年年舊燕亦雙歸。○**羊**車暇日勞揮塵玉樹春風自滿庭。○**在**鄭詩舊時事靜無秋燕有秋螢。○**會**詩吳兵曾駐黑雲都江左夷吾此分居休把烏衣輕馬巷懸鶉結駟惚丘墟。○**馬**野亭詩依依燕子可憐生相向於人真有情不道華堂會止息如今窮巷莫經營六朝盛事同流水千載遺蹤只舊城白日飛忙難話此話時須等夕陽明。○**衣**池館一時新晉宋齊梁舊主人無處可尋王謝宅落花啼鳥秣陵春。

運巷在今天慶觀相接

考證沈約自序曰王序從宦京師義熙十一年

三百八十四 建康志卷十六 十

高祖賜館于都亭里之運巷○世說叙錄冶城在今運巷東舊里亭今俗呼為黃泥巷

主簿巷在明道書院右

考證明道先生程純公嘗為上元主簿政教在人至今呼為主簿巷

坊里

鍾山坊在行宮前東夾道

石城坊在行宮前西夾道

東錦繡坊在御街左

西錦繡坊在御街右

狀元坊二一在御街左東錦繡坊南一在府學南

報恩坊在御街右西錦繡坊南

安樂坊在御街右報恩坊北

金泉坊在御街右報恩坊南

嘉瑞坊在御街左狀元坊南

舜澤坊在御街右金泉坊南

金陵坊在御街右舜澤坊南

建業坊在御街右鎮淮橋西北

二百十五

建康志卷十六

十一

長樂坊在御街左鎮淮橋東北

招賢坊在府治南

經武坊在府治左

武勝坊在府治東北

細柳坊在都統司後軍寨前

青溪坊九曲坊並在府治東

嘉會坊在總領所前

尊賢坊在明道書院之右

東市坊在魚市東

鳳臺坊 在魚市南

西市坊 在魚市西

鷺洲坊 在魚市北

長春坊 在東市之東

寬征坊 在西市之南

清化坊 欽化坊 並在西市之北

朝宗坊 德慶坊 並在西市之西

保寧坊 在保寧寺前

廣濟坊 在廣濟倉南近水西門

武定坊 在鎮淮橋東南

長勝坊 在鎮淮橋西南

長千里 在秦淮南

二百三十七

建康志卷十六

十三

考證 越范蠡築城長干○丹陽記大長干寺道

西有張子布宅在淮水南○吳都賦曰長干延

屬飛甍外互李善注江東謂山間為干建業之

南其間平地吏民居之故號為干○實錄云長

干是里巷名江東謂山隴之間曰干建康南五

里有山崗其間平地民庶雜居有大長干小長

千東長干並是地里名小長干在瓦棺南巷西

頭出江羅北谷詩山隴中間號曰干此干長里盛衣冠想應王謝朝回後日日行人看繡鞍

鳳凰 在今保寧寺後

考證 宋元嘉十四年大鳥二集秣陵民王覬圍

中李窠上大如孔雀頭足小高毛羽鮮明文綵

五色聲音諧從眾鳥如山雞者隨之行三十步

頃東南飛去揚州刺史彭城王義康以聞改鳥

所集永昌里為鳳凰里今保寧寺是其處

表考里 在溧水縣

三百十六 **建康志卷十六** 十三

考證 乾道四年邑人伊小乙割肝以療母疾知

縣陳嘉善榜其居旌之

鄉社

金陵鄉 縣北 慈仁鄉 縣東 鍾山鄉 縣西 北城鄉 縣東

清風鄉 縣東 長寧鄉 縣東 惟政鄉 縣東 開寧鄉 縣東

宣義鄉 縣東 鳳城鄉 縣東 清化鄉 縣東 神泉鄉 縣東

丹陽鄉 縣東 崇禮鄉 縣東 泉水鄉 縣東 道德鄉 縣南

盡節鄉 縣南 長樂鄉 縣東

右十八鄉隸 **溧水縣**

鳳臺東鄉 鳳臺西鄉蘇東 安德鄉蘇南 新亭鄉蘇南

隨車鄉縣南 光宅鄉縣南 開元鄉縣南 萬善鄉縣南

長泰南鄉 長泰北鄉縣南 馴翬鄉縣南 惠化鄉縣南

葛僊鄉縣南 建業鄉縣南 永豐鄉縣南 歸善鄉縣南

處真鄉縣南 銅山鄉縣南 朱門南鄉 朱門北鄉縣南

橫山南鄉 橫山北鄉縣南

右二十二鄉隸江寧縣

句容鄉縣南 福祚鄉縣南 臨泉鄉縣南 上容鄉縣南

承僊鄉縣南 政仁鄉縣南 茅山鄉縣南 崇德鄉縣南

三百二十八

建康志卷十六

齒

來蘇鄉縣東 望僊鄉縣北 移風鄉縣北 孝義鄉縣北

仁信鄉縣北 鳳壇鄉縣北 琅邪鄉縣北 通德鄉縣北

崇信鄉今廢

右十七鄉隸句容縣

上元鄉縣南 思鶴鄉縣南 贊賢鄉縣南 白鹿鄉縣南

豐慶鄉縣東 歸政鄉縣北 崇賢鄉縣北 長壽鄉縣北

山陽鄉縣南 崇敬鄉縣南 游山鄉縣南 僊壇鄉縣南

安興鄉縣南 儀鳳鄉縣南 永寧鄉縣南 唐昌鄉縣南

立信鄉縣南

右十七鄉隸 **溧水縣**

永成鄉 縣東 福賢鄉 縣東 舉福鄉 縣西 明義鄉 縣西

惠德鄉 縣南 德隨鄉 縣南 從山鄉 縣西 桂壽鄉 縣西

奉安鄉 縣西 崇來鄉 縣西 來蘇鄉 縣北 允泰鄉 縣北

允定鄉 縣北

右十三鄉隸 **溧陽縣** 本縣舊領鄉十七端拱元年割昭德豐樂彰德

三鄉屬建平縣嘉祐六年分成樂鄉併入永成福賢二鄉今領鄉十三

鋪驛

驛路 五十一鋪每鋪相去十里

二百八十七

建康志卷十六

十五

東門鋪 東十里鋪 蛇盤鋪 麒麟鋪

東流鋪 崑崙垵鋪 張橋鋪 以上十鋪屬上元縣

江城湖鋪 宣家峴鋪 山口鋪 廟林鋪

下蜀鋪 紀大店鋪 以上六鋪屬句容縣

右十三鋪係 **東路** 直抵鎮江府界炭渚鋪

土門鋪 夾堽鋪 遲店鋪 清水亭鋪

圍墓橋鋪 秣陵鋪 李村鋪 路口鋪

烏坵橋鋪 以上九鋪屬江寧縣

方墟鋪 石頭垵鋪 烏山鋪 齊家店鋪

南亭埕鋪 南十里鋪 蒲塘鋪 三角子鋪

孔家埕鋪 土山鋪 羅家林鋪 戴公埕鋪

漆橋鋪 朱家店鋪 湯師娘鋪 松兒埕鋪

以上十六鋪
屬溧水縣

右二十五鋪係**開路**直抵廣德軍界顧置鋪

越臺鋪 石子埕鋪 官庄鋪 板橋鋪

三城湖鋪 江寧鋪 青松林鋪 銅井鋪

葛家埕鋪 以上屬
江寧縣

右九鋪係**西路**直抵太平州界慈湖鋪

二百三十六 **建康志卷十六** **去**

府前鋪 西門鋪 石碑衝鋪 靖安鋪 以上屬
上元縣

右四鋪係**北路**直抵滁州界宣化鋪

縣路十一鋪每鋪相去二十里此係諸縣不通驛路

處遞傳之路

石井鋪 七里埕鋪

右二鋪屬上元縣界

周郎橋鋪 縣西門鋪

右二鋪屬句容縣界

縣東門鋪 菱塘鋪 破湖鋪

右三鋪屬溧水縣界

黃蓮步鋪 中橋鋪 烏山村鋪 縣西門鋪

右四鋪屬溧陽縣界

永寧驛 舊基在南唐儀仗院今為待漏院而驛徒置

總領所西閃駕橋之南紹興十五年晁公謙之建

江寧驛 在江寧縣西南五十里

秣陵驛 在江寧縣南五十里

七橋驛 在溧水縣南七十五里歲多圯壞僅存故址

淳熙中重建榜曰迎華堂

二百七十五

建康志卷十六

七

石頭驛 張九齡有候使石頭驛樓詩李白答裴侍御

先行至石頭驛以書見招詩云君至石頭驛寄書黃

鶴樓

夢筆驛

考證 淹本集云嘗宿於冶亭夢見一夫自稱郭

璞謂淹曰吾有筆在公處多年可以見還淹乃

探懷中得五色筆一以授之爾後為詩絕無美

句時人謂之才盡按建康有冶亭在冶城又有

東冶亭在秦淮上皆六朝士大夫餞送之所淹

本集所載始末皆建康事也夢筆驛不知在何

處○庚溪詩話云夢筆驛江淹舊居齊短夢驚

流俗千里高名掛里問遂使晚生矜此意廢眠

不讀一行書○晉尚清談筆力衰文章

高下亦隨時景純不作文

通死五色毛錐付與誰

金陵驛亦名蛇盤驛在上元縣長樂鄉蛇盤市俗呼

余婆音之訛也淳熙十二年畱守錢公良臣建

考證曾極有蛇盤驛詩枳籬華屋半彫殘列肆

形勝歇龍盤何事作蛇盤○題憶昔東

遊未有鬚扶衰重此駐肩輿市中年少今誰在

魯老當街六十餘又重岡古道春風裏草色花

光似故人却喜此身今漫浪田家隨處得相親

三百六十五建康志卷十六

東陽驛西至金陵驛四十五里淳熙十二年畱守錢

公良臣建

柴溝驛西至東陽驛十五里淳熙十二年畱守錢公

良臣建

下蜀驛西至柴溝驛十五里東至鎮江府界十五里

紹興八年三月己巳

車駕未入建康次下蜀驛有

御座在焉淳熙十二年畱守錢公良臣重建驛

太平驛在溧陽縣治西街北太平興國六年建嘉定

十三年重建

望僊驛 舊在句容縣治南元豐二年移縣治東

漆橋驛 在溧水縣南七十五里

官塘驛 在溧水縣東南二十五里

坊墟驛 在溧水縣北三十五里

淮源驛 在溧水縣東北三十五里

儀賓驛 在溧水縣南一百一十里

招賢驛 在溧水縣南一百一十里

青塘驛 在溧水縣南二十五里

白馬驛 在溧水縣東南四十里

延賓驛 在溧水縣西四十七里

青陽驛 在句容縣東二十里

竹里驛 在句容縣北六十里倉頭市

雲亭驛 在句容縣

右自漆橋以下十二驛今並廢

昭華驛 在句容縣開寶中焚圯太平興國二年移縣

街東或云望僊驛是也

中山驛 在溧水縣南三十步惠政橋西南

考證 偽吳順義中置後知縣李彥重建偽唐昇元二年蕭儼添置軒廊建炎焚毀紹興八年李朝正重建魯晉作記嘉定十五年史改之重修添置廊廡紹定四年史彌鞏重修來者便之

馬驛 二所在下蜀東陽寶慶二年重修
道路

秦皇馳道

考證 秦始皇三十六年東遊自江乘渡江馳馬

於此平荆公詩穆王得八駿萬事不期修茫茫千載間復此好遠遊車輪與馬跡此地亦

三百十
嘗畱想當治道
時勞者尸如土
建康志卷十六
三

吳帝馳道

考證 吳都賦云朱闕雙立馳道如砥

宋帝馳道

考證 宋書大明五年孝武初立馳道自閶闔門

至于朱雀門為南馳道又自承明門至元武湖為北馳道八年罷南北二馳道景和元年復立

○宮苑記宋築馳道為調馬之所楊虞翻詩路平如砥直如

絃官柳千株翠拂網玉勒金羈天下駿急於奔電更揮鞭○馬詩南城來到北城隅更北

直趨元武湖一上雕鞍三十里兩傍官柳數千
株六朝都邑真如此舊日咸秦得似無暑月行
人不張蓋漫天
自有翠屠蘇

小丹陽路 今在江寧縣橫山鄉陶吳鎮西南十里與

太平州當塗縣接界里俗猶呼丹陽

考證 晉咸康三年歷陽內史蘇峻叛陶回謂庾
亮曰峻知石頭有重戍不敢直下必向小丹陽
南道步來宜設伏邀之可一戰擒也亮不從峻
果自小丹陽來迷失道夜行無復部伍亮聞乃
悔之

黃城大路 在今上元縣清風鄉黃城村

考證 梁太清二年侯景遣軍至江乘拒邵陵王
綸趙伯超謂綸曰若從黃城大路必與賊遇不
如徑指鍾山突據廣莫門出賊不意城圍必解

湖頭路 在今元武湖東北

考證 南史東昏侯永元二年崔慧景奉江夏王
內向遣中領將軍王瑩都督嶽軍據湖頭築壘
上帶蔣山又王敬則舉兵朝廷遣沈文季持節
都督屯湖頭備京口路

白楊路 在城南十里石崗之橫道

考證 陳大建末始興王叔陵反部麾下度小航

將趨新林蕭摩訶追擒於白楊路 馬詩此路如何名白

楊白楊林木苦非良聞知宰樹常多種想見墳塋在兩傍三國英雄塵一窖六朝興廢字千行

行人過此休惆悵 往古來今總渾茫

竹里路 在句容縣北六十里倉頭市東有竹里橋南

邊山北濱大江父老云昔時路行山間西接東陽遠

攝山之北由江乘羅落以至建康宋武帝討栢元其

路經此今城東余婆崗至東陽路乃後世所開非古

三百十六 建康志卷十六 三

路也

謝元走馬路 在上元縣崇禮鄉土山下至今不生草

詳見土山下

姜巴路 在小茅山後通延陵

考證 真誥秦時有士周太賓及巴陵侯姜叔茂

者來住句曲山下秦孝王時封侯故以姜巴名

其路

制使姚公希得任內 **舊道** 先是東西錦繡坊及

經武坊一帶街衢多有損壞缺陷去處不便往

來景定三年三月十七日興工至四月二十日
畢重新布砌用磚二十餘萬口工物總費五萬
二千一百餘緡米六十二石七斗有奇

橋梁

天津橋

在行宮前舊名虹橋政和中蔡公薨建為

石橋號曰蔡公橋後改今名

考證

天津本西京大內前橋名即康節邵雍聞

杜鵑處今移其名於此不忘京師之思也

龍詩

下馬過天津聽傳禁漏頻惟憐一橋月曾

照六朝人金剝宮門字江飛粉壁塵中官來宿

內因問帝鄉親○周彥夫詩下車聊復問何如

尚憶重來四紀餘鍾阜秦淮俱好在祇憐雙鬢

自蕭疎聯鑣去作蔣山遊路轉天津遶御

溝忽作故都禾黍恨洛陽宮殿鎖千秋

鎮淮橋

在今府城南門裏即古朱雀航所

舊志

三百六十八

建康志卷十六

舌

考證

按世說敘錄及輿地志丹陽記皆云吳時

南津橋也名曰朱雀航大寧二年王含軍至丹

陽尹溫嶠燒絕之以遏南窺定後京師乏良材

無以復之故為浮航至咸康三年侍中孔坦議

復橋於是稅航之行者具材乃值苑宮初創材

轉以治城故浮航相仍至太元中驃騎府立東

航改朱雀為大航○晉起居注曰白舟為航都

水使者王遜立之謝安於橋上起重樓上置兩

銅雀又以朱雀觀名之○實錄云咸康二年新

立朱雀航對朱雀門南渡淮水亦名朱雀橋本
吳南津大航橋也王敦作亂溫嶠燒絕之權以
浮航往來至是始議用杜預河橋法長九十步
廣六丈冬夏隨水高下浮航相仍至陳每有不
虞之事則別之○晉書王敦作逆明帝以應詹
都督朱雀橋南諸軍事○齊高祖討袁粲黃回
與粲通謀蕭順之率家兵據朱雀橋回遣覘之
遂不敢出○梁高祖以義師伐東昏東昏使江
道林率兵出戰退保朱雀航馮淮自固東昏又

遣王珍國等列陣於航南開航背水以絕歸路
與王茂等戰敗一時投淮死者積屍與航等後
至者乘之以濟○北齊兵至故秣陵陳高祖分
兵禦之遣杜稜頓航南○元徽中賊黨杜黑驪
分軍向航劉劬禦之敗死○侯景兵至航建康
令庾信率兵屯航北見景至命徹航始除一船
棄軍走南塘遊兵復閉航渡景乘勝至闕下○
乾道五年 畱守史公正志重造得舊趾增廣
一丈郡從事丘崇爲之記

乾道五年十一月建
康府重作鎮淮飲虹

建康志卷十六

三

二橋六年正月橋成惟二橋橫跨秦淮據府要
 衝自江淮吳蜀游民行商分屯之旅假道之賓
 客雜沓旁午肩摩擊窮日夜不止淮水至其
 下奔流而西勢益悍湍激射衝齧滋甚昔之為
 橋者又不暇顧計久遠薄費而亟成重負而弱
 植之幾何輒壞則始補苴其甚僅取不廢歲靡
 緡錢數百多或至千岌岌自若也畱守待制史
 公厥既治成有廢必舉大備都邑之制乃因民
 所欲為作而新之率增其舊四之一鎮淮長十
 有六丈為二亭其南屬民以詔合飲虹長十有
 三丈加屋焉凡十有六楹而竝廣三十有六尺
 基以巨石甃以厚甃千尋之材世守之工必堅
 必良是度是營而屬其事於浮圖氏致勝法才
 又躬為程度卑以從事創意靡密有非工人所
 迨及者訖其成無一不合規摹壯夫氣象雄偉
 隆然相望闔閭四合軍民父老扶携縱觀推美
 誦休曰公成勞噫公所建立大於此者不可殫
 紀橋未足多也惟厥經始人狂故常役大用宏

謂不可為公決作之未既累月十世之利卒虐
 有濟人乃大服推是而言則天下事有可以為
 而人以為為不可為者獨橋歟彼能者處之雖若
 不可以為而卒為之以成者又獨橋歟公名正
 志字志道南徐人左文林郎開禧元年丘公崇
 建康府觀察推官丘崇記

來為畱守重建橋劉叔向為之記金陵為古天

宮室凡幾變矣而秦淮則猶故也跨淮而濟有
 橋曰鎮淮在吳為南津大桁在晉為朱雀航曰
 飲虹在晉宋間為萬歲橋據都邑之衝屹波流
 之湍車馬如雲千艘鱗鱗北拱行闕鯨臥虎
 躡此二橋者蓋與秦淮相終始而邦人所恃以
 為安也歲在己丑今酉守敷學侍郎丘公以倫
 魁入幕府觀斯橋之將顛毅然取而更造之規
 摹調度有公所述豐碑在焉後三十五年綰麟
 符而來則橋非舊矣乃庀工度材徹舊架新縱
 橫廣袤一視前日惟荆二祠於鎮淮之上漸復

晉人銅雀觀之遺意南兩亭各浚巨井以濟民
之乏經始於嘉泰甲子十月庚戌明年乙丑三
月丁卯橋成會其費為緡錢萬四千有畸而緡
銖不以累諸人也嗟乎物之興廢豈偶然哉韓
文公記王中丞新修滕王閣有曰此屋不修且
壞前公為從事此邦適治新之公所為文實書
在壁今三十年而公來為邦伯又易新之維此
二橋與滕閣之事適相似然惜不得當代宗工
鉅儒如文公者大書特書之爾開禧改元三
月望從事郎建康府觀察推官劉叔向記

祐四年橋壞於潦留守馬公光祖重建之梁椅

為之記周夏官掌邦政而其屬有司險以庀橋

輿之則謂之不知政金陵故有橋曰鎮淮曰飲
虹雄跨秦淮淮水集澗谿貫城邑以達于江奔
流駛湍衝激射雨甚勢益橫不可俯而車馬
撞撞無停晷商人戍夫與諸道貢輸之入于饟

餽者舳舻憂摩橋不得休息大氏亡慮數十年
輒弗支寶祐乙卯東陽馬公自戶部尚書出鎮
越明年除戎器繕闢艦翔游擊營。奎翰之堂
郵傳之舍掾史之居哲人勝士之流風餘址諸
凡經度以序即功而二橋適同圯於潦公不移
日召匠飭材以通判何君宗姚蒞銖寸從官出
工人歡趨歲十月橋成修廣如其舊加堅纘焉
萬井縈環遙岑掩映如巨鼈鬣冠山以與陽
侯角武而爭雄也東西行者胥咨嗟詠歌以德
公賜噫公之德於民獨橋哉橋餘事也然過都
越國往往傾侈刻闕聽民揭且厲水怒至即相
望如萬里隔間起而圖之則又以其隱民者厲
民故君子於以占政焉天地間運動流行一精
神耳人以精神為事業則櫛比而髮理樞旋而
戶隨鉅綱細目疇餘精義利用中公表衷忠勤
炯炯心目環吾土皆若車轍馬跡朝夕至者橋
詎足煩公咄嗟哉然嘗觀留侯客下邳間從容
步游圯上而老人者以兵法授之迄持以興漢

茲豈適相邂逅然耶馮高而眺遠臨流而觀逝
子房於是志念深矣是邦一瞬關河公方蚤夜
秣馬厲兵思繫單于頸獻闕下而橋西直天
塹東挾龍蟠志士忠臣過而生慨安知無衣褐
之翁跪履之子抱六韜三略往來論議其上將
赴公精神以濟登四海焉亦如此橋矣試以斯
文招之門生從政郎差充沿江制置使司幹辦
公事梁椅謹記門生朝奉郎差充沿江制置使
司參議官胡居仁謹書并題蓋六年橋燬於火留守趙公與篋
重建

飲虹橋

一名新橋在鳳臺坊

考證

建康實錄南臨淮有新橋本名萬歲橋後
改名飲虹新橋乃吳時所名至今俗呼爲新橋

三百七十六

建康志卷十六

天

襲其舊也○乾道五年史公正志重建上爲大
屋數十楹極其壯麗與鎮淮橋並新上崇記之
○開禧元年上公崇重建劉叔向記之○寶祐
四年馬公光祖重建梁椅記之鎮淮橋每與此
橋同建諸記並附鎮淮橋下茲不復載

日華橋

在行宮城東華門跨伏龍河

月華橋

在行宮城西華門跨伏龍河景定二年馬

公光祖重建

東虹橋

在行宮之左府治之北景定二年馬公光

祖重建自書橋榜

西虹橋在景定橋北運司東景定二年馬公光祖重建自書橋榜

景定橋在永寧驛北舊名清化俗呼爲閃駕橋景定二年馬公光祖重建改今名自書榜跨運瀆

太平橋在運司西南舊名欽化俗呼爲筴橋景定二年馬公光祖重建改今名自書榜跨運瀆

鼎新橋在太平橋西舊名小新景定二年馬公光祖重建改今名自書榜

二百八十五

建康志卷十六

三九

乾道南北二橋在古運瀆上今斗門橋北二橋相望乾道中洪公遵建景定二年馬公光祖重建自書榜

斗門橋在乾道南橋之南景定二年馬公光祖重建自書橋榜跨運瀆

武定橋在鎮淮橋東北淳熙中建景定二年馬公光祖重建自書橋榜

崇道橋在天慶觀東景定二年馬公光祖重建自書橋榜

武衛橋在天慶觀西舊名望僊橋景定二年馬公光

祖重建改今名自書榜

廣富橋在月華橋北跨伏龍河景定二年馬公光祖

重修

武勝橋在府治親兵教場即北門橋

青溪七橋按實錄注取北樂游苑**東門橋**樂游苑在

橋宜與今散**次南尹橋**今潮溝大巷東出度此橋次

南雞鳴橋即輿地志所謂今新安寺**次南****夢士橋**次

南孤首橋一名**走馬橋**次南青溪中橋在湘宮寺門

前巷東出度溪有桃花園次南有青溪大橋今城東北有渠

四百四十六

建康志卷十六

三

北通元武湖南行經散福亭橋竹橋抵府城東北角
外西入城濠里俗呼為長河即古青溪本自今竹橋
西南行五代楊淳於此截溪立城由是青溪半在城
外其在城中者歲久堙塞但城東北隅迤邐至上元
縣治東南上水閘以西一帶青溪
遺迹或見或隱橋亦不詳所在

青溪中橋按建康

實錄青溪七橋次南中橋今上水閘里俗相傳青溪

中橋路齊書始安王遙光反曹虎領軍屯青溪中橋

軍出之晉王廣命斬貴妃陳書隋軍陷臺城後主與張貴妃俱入井隋

勝于青溪中橋即此地**青溪大橋**按石邁古跡編

實錄云東出句容大路度此橋西即陳尚書令江總

宅今上元縣東南百餘步段氏居乃江總宅也橋宜

在此宅之東歲久堙廢今不復有橋矣○舊稱青溪

九曲蓋自元武湖引水從東北縈迴達于秦淮其曲折有九故於其間跨橋有七今城外青溪皆已堙塞橋廢久矣惟城內僅存一曲溪上長橋有四皆馬公光祖所作也

運瀆六橋按實錄云**孝義橋**本名甃子橋次南**陽烈橋**宋王僧虔觀鬪鴨處次南**西州橋**宜在今筮橋西次南**高興橋**建康西尉在此今建興寺北路東出度此橋宜在今乾道橋左右次南**禪靈寺橋**對禪靈渚宜是今斗門橋按建康實錄注古城西南行者是運

三百五

建康志卷十六

三

瀆古城苑城也吳大帝赤烏三年使御史郗儉鑿城西南自秦淮北抵倉城名運瀆卽此瀆是也今宮城西北興嚴寺前有溝迤邐至清化市東乃古運瀆但自此西南悉堙塞不復可辨雖東南爲宮城西塹疑非古跡然由宮墻塹至清化橋西折過**欽化橋**再南則運瀆舊跡復見今乾道橋一帶河是也六橋所在亦可考髣得其次第清化橋卽閃駕橋欽化橋卽筮橋今橋與名皆非舊矣閃駕橋爲景定橋欽化橋爲太平橋皆馬公光祖之所重建詳見于前

飛虹橋 楊文公談苑云徐常侍鉉仕江南日嘗直澄心堂每襍被入直至飛虹橋馬輒不進裂鞍斷轡筆之流血掣韁却立鉉貽書於餘杭沙門贊寧荅云下必有海馬骨水火俱不能毀惟漚以腐糟隨毀者乃是鉉斲之去土丈餘果得巨獸骨上脛可長三尺腦骨若斷柱積柴焚三日不動以腐糟纒漚之遂爛焉南唐有虹橋小虹橋飛虹橋皆傍宮橋也

南渡橋 李白與酒客數人棹歌秦淮往石頭訪崔四侍御詩云捨舟共連袂行上南渡橋乃秦淮上橋也今不詳其處

三百十九

建康志卷十六

三十二

張侯橋 吳張昭所造故名之晉義熙六年盧循焚查浦進至張侯橋其地在今城南不詳其處

赤蘭橋 杜祭酒別傳曰相宣武館于赤蘭橋南曰延賢里今城南有赤蘭坊橋不詳其處

長樂橋 唐秦淮上有長樂橋又曰長樂渡在縣東南六里今桐林灣是其地隸長樂坊

湘宮寺橋 在城北湘宮寺北

回龍橋 在城西門

白下橋一名上春橋在城東門外其側有白下亭

重建橋記

金陵為六朝故都風土遺迹歷歷可

下白下之義訪諸故老無傳焉宋元徽間遣北
將軍張永屯白下唐武德中遷金陵縣於白下
村其地蓋在東晉白石壘之下也國朝自六
飛南駐以是邦為陪都白下一橋當江浙諸郡
往來之衝不惟士夫民族所必經行而日飲萬
馬於秦淮旬給諸屯之糧餉舍此無他道也舊
架木為之歲久朽蠹若將壓焉人以病告前後
邑宰熟眎而不敢為三衢鄭君緝視事之初竊
鄙前人作計之不遠毅然欲取而更新之未幾
運石山積下築萬椿日吾將以石易木為千百
年不朽之利觀者且喜且駭疑不克就甫五閱
月而橋成長鯨卧波飛梁駕虛材良工堅天造
地設雖怒濤激湍疾風甚兩而過者如登康莊
得大安穩傍有賓餞之亭因橋而名亦就摧剝

五百七十二

建康志卷十六

三十三

併葺治之更增其前楹三雄壯窈深氣象夙別
上元為邑賦筭一孔以上悉輸州家傾囊倒帑
力弗能繼謁諸閫臺得緡錢合貳阡米斛百自
嘉泰癸亥九月壬午首事明年二月戊午訖工
會其費為錢幾四百萬顧不輕矣而十八鄉之
民曾不與知雖畚鍤與負不煩一夫既成或者
以白下之語不宜於舉子請更之留帥文昌李
公目以上春權也嗚呼橋梁不修漢薛宣歎然
於彭城之政徒枉輿梁易事也子產之智不及
之鄭君垂大惠於笑譚間是可書也因其請故
不復辭嘉泰四年三月望日從事
郎建康府觀察推官劉叔向記

長干橋在城南門外五代楊溥城金陵鑿濠引秦淮

遶城西八大江遂立此橋

銅橋在城東一十里案五代史李昇天祚三年十一

月以步騎八萬講武於銅橋今字作桐訛也

高橋在城東一十五里屬上元縣長樂鄉

考證金陵故事云梁亂庾信爲建康令守朱雀門眾潰臺城門已閉信走羈旅於此橋信有哀江南賦云高橋羈旅是也○石邁古跡編云臯橋舊名高橋按庾信哀江南賦注云吳郡圖經以臯伯通所居因名其橋曰臯後人轉臯爲高○南史齊徐嗣徽等復入丹陽至湖熟陳高祖追侯安都安都率馬步拒之於高橋○記室新書云高橋羈旅之士○按郡國志云通門內有橋卽漢臯伯通居此橋以得名梁鴻賃舂之所是吳自有臯橋在建康者乃高橋也庾信賦南史皆曰高崔令欽注石邁古跡編易高爲臯紹興十七年本縣新治橋路易榜曰臯橋因承其誤失於不考耳

石邁橋在城東北四十五里卽古**羅落橋**也

考證宋高祖起義丹徒進至羅落橋遇皇甫敷檀憑之戰死卽此地下有羅落浦北大江又

有羅落坊羅落干羅落山皆在其處今石步酒坊名羅落坊

錢公橋卽**章橋**以西接張山亦曰**張橋**在府城東北五十七里上元句容二縣以此橋爲界

考證建炎元年

高宗皇帝幸建康次張橋山水暴溢堤齧橋壞勢甚可畏轉運副使李謨黃崇書被劾俱罷見孫覲所撰李謨行狀淳熙十一年錢公良臣易爲石橋運使趙公師揆榜曰錢公橋乾道志以爲古羅落橋者非也餘見石步橋

復古橋屬上元縣長樂鄉去縣十四里宣和間賜鍾茅山經此地橋損堙塞久不修復春夏塘水壅遏民頗病涉紹興十年縣治橋路因創復之改名復古橋
葛橋在上元縣崇禮鄉方山東南按齊書李安民傳宋建安王景素反安民破景素於葛橋

豐城橋在城東三十里卽晉謝元別墅之所

檀橋在青溪案齊書劉瓛以儒學冠於當時京師士子貴遊莫不下席受業瓛住在檀橋瓦屋數間上

穿漏學徒敬慕不敢指斥呼爲青溪

亭子橋在上元縣清風鄉黃城之東徐鉉棲霞寺新路記云建高亭於路周跨重橋於川上卽此橋也里俗呼爲亭子橋去棲霞寺三里今土橋危險夏潦則民皆病涉

周郎橋在城東八十里上元縣丹陽鄉湖熟鎮下臨

橫塘舊志

石邁古跡編云舊傳周瑜嘗至此○按吳

書瑜渡秣陵破苻融薛禮轉下湖熟此橋正通

秣陵必瑜當時經歷之地

馬野亭詩周郎可是世英豪談笑功成乃

不勞爾大阿瞞猶似此茲時小竿定應逃雙鞬錦領紛相逐白羽青絲各自操料得軍行爭看此霜天健鷗已辭條

土橋在城東七十五里

西流橋在城東北三十里

東流橋在城東北四十里

安濟橋在城東北四十里卽東流市橋淳熙十二年

錢公良臣重修改今名

韓橋在城東北三十里

在城東北二十里

楊堤橋 在城東二十里

走馬橋 案建康實錄走馬橋東有燕雀湖里俗相傳今府治之東針橋卽走馬橋也橋之東有水平澗是爲燕雀湖或云惟政鄉白蕩湖卽其地

石隸上元縣境

板橋 在城南三十里

考證 吳後主聞晉師將至甚懼乃自選羽林精甲以配沈瑩孫振等屯于板橋晉使王濬總蜀

兵沿流直指建業司馬卞帥六軍濟自三山遣周浚張喬等接戰破吳軍於板橋瑩等皆遇害○金陵故事云晉伐吳丞相張悌死之悌家在板橋西○建康實錄云晉簡文帝嘗與桓溫及武陵王晞同載游於板橋溫遽令鳴鼓吹角車驅卒奔欲觀其所爲晞大恐求下車帝安然無懼色溫由是憚服○梁武帝起兵令呂僧珍與

王茂進軍於白坂橋非此也

李白詩 天上何所有

低建章闕耿耿對金陵漢水舊如練霜江夜清澄長川瀉落月洲渚曉寒凝獨酌板橋清古入

誰可徵元暉難再得灑酒氣填膺曾極詩輪鞅
千年路欲迷板橋名在市朝非元暉太白微吟
處獨酌悠然命駕歸

新林橋在城西南一十五里揚州記云金陵南沿江

有新林橋卽梁武帝敗齊師之處

白坂橋在城南

考證按梁呂僧珍傳武帝次江寧僧珍與王茂

進軍於白坂橋築壘壘立茂移頓越城僧珍猶
守白坂

秣陵橋在城東南五十里

二百七十六

建康志卷十六

三八

五城橋唐景雲中造以度淮廣明元年廢于火南唐

保大十年重造 國朝開寶八年又廢詳見五城

杜橋在城東南三十里

江寧橋在城南六十里臨江寧浦

木龍橋在城南七十里

河亭橋在城東南一十五里

馬務橋在城東南二十五里唐置馬務於此

真武橋在城東南三十七里

合橋在城東南七十里臨合水

烏利橋 在城東南九十三里

牧馬橋 在縣東南三十九里南朝放牧者在此南出

有浦水闊三丈深一丈有橋

石鏡江寧縣境

白鶴橋 在縣東南三里一十五步茅君內傳云大茅君每年十二月二日駕白鶴於此會諸真故以名橋

沈公橋 在縣南二十五里沈公謂沈慶之也

褚渚橋 在縣東一里二百四十一步

歸善橋 在縣南一里一百七十五步

二百五十四

建康志卷十六

三十九

於鄉橋 在縣南二十五里

西霸橋 在縣南三十二里

隆靈橋 在縣東南二十七里

義城橋 在縣南二十里

高平橋 在縣西南三十五里

斜橋 在縣東五里

柳橋 在縣北二十五里有前柳橋後柳橋

懸壽橋 在縣西十五里

宣家橋 在縣西北三十里

永安橋 在縣南七里下有小港歸於秦淮

降真橋 舊記云在玉晨觀西句容路三十里橋是也

蘆花橋 在縣南三十里

集德橋 在縣南有詩石可考 游冠卿題縣之南橋作於元豐之三年元祐改

元之秋歲適大水與梁為之輒壞往來病涉愁嘆滿道乃請于府而新之購材董役未踰月而功就而橋素無題榜因其路入三茅遂以集德名之且為小詩以記歲月興廢云南橋頽廢長官羞新作川梁代濟舟上應星文橫北極下飛虹影落中流慚無子產乘輿惠謾絕襄公弗道憂路指蓬山僊世界題今為邑人留予舊歲集德橋得石上段於平易堂墻南角惜其不全好今年六月十六日風雨終夕又得石下段於堂之西破墻底因粘綴成文併以疇年築地所得龜趺坐此石然隱伏顯露雖各以時向使予不先得之顧今斷石將安用焉特不過礎柱砧衣耳橋屋七間工役浩大而輿梁之復未知何日觀是詩者可以知邑之事力視昔不侔云又四日誌

四百三十一 **建康志卷十六** 四十

右隸句容縣境

臨淮橋 一名惠政橋在縣南二十步其即秦淮水也

舊圖云臨淮橋前任司馬公重建兵火燒毀復造土

橋景德二年知縣史良率眾錢重造版橋舊名濁水

橋紹興八年李朝正重建石橋嘉定五年壞於暴漲

知縣湯說重建石橋榜曰惠政卓田為記

通濟橋在縣南二十五步舊有劉公攷所爲記至紹興八年知縣李朝正重建石橋李南壽作記

巫家橋在縣寨外三百步

棲賢橋在縣南門外西南

易俗橋在縣市中

望京門橋在縣北一里

南門橋在縣南門外皇祐間邑人劉應之重建石橋僧從雅作記刻石

唐家橋在縣市西二百五十步

二百零八

建康志卷十六

四十一

樓家橋在縣南門外二百七十步

馬沉橋在縣南去縣三十七里

利涉橋在縣北三里俗呼虎捍橋

女政橋在縣北三里俗呼翻車橋

戴公橋在縣南一十里

俞初橋在縣南一十里舊圖作俞母橋

大覺寺橋在縣東南八里

清溪橋在縣南二十五里今廢

白水橋在縣東北三十五里

長樂橋 在縣東北二十五里

李聖橋 在縣東北三十里

張聖橋 在縣東北三十里

段亭橋 在縣東六里

板閣橋 在縣東二十五里

王師橋 在縣東三十三里

神靖橋 在縣東南四十三里舊名神龍橋知縣李公

朝正易今名

白馬橋 在縣東南四十里

二百二十

建康志卷十六

四十二

梅塘橋 在縣東南一百二十里

鄧步橋 在縣東南一百二十里

張沛橋 在縣東南八十五里

永昌橋 在縣南九十里舊圖云呼為固城橋

漆橋 在縣南七十五里

馬聖橋 在縣西一十五里

石埭橋 在縣西三十五里

湯橋 在縣西四十里

孟橋 在縣西三十五里

錢塘橋 在縣南三十五里

許村橋 在縣東南一十二里

右隸溧水縣境

硯瀆橋 在縣東北相傳云晉謝公滌硯于此

東石橋 在縣東門外

新建橋 在縣南門外

謝家橋 在縣東

通微橋 在縣東南一里

僊人橋 在縣南十五里

二百十一

建康志卷十六

四十三

南崑崙橋 在縣東南十八里

北崑崙橋 在縣北十里

鄉黨橋 在縣南三里

高要橋 在縣南二十五里通廣德軍路

高友橋 在縣南三十里

故縣橋 在縣東南一十五里

清溪橋 在縣西三里

沙灘橋 在縣西北三十里今俗呼湖瀆橋或名沙灘

橋平陵城在橋西一里

奉橋 在縣南五十里

上興步橋 在縣西北六十里

黃連步橋 在縣西北五十五里

舒塘橋 在縣西北五十五里通溧水縣大路

板子橋 在縣西北六十里舒塘橋北

破堰橋 在縣西北六十里板子橋北

雨城橋 在縣西北六十五里破堰橋北

檀石橋 在縣北六十里

三丫橋 在縣南四十里

石塘橋 在縣北二十里

望僊橋 在縣南一十里

社渚橋 在縣西南六十里

望婆橋 在縣西南五十里

橫溝橋 在縣東南六十里

金背橋 在縣南六十里

雙溝橋 在縣西南五十里

招僊橋 在縣西三十里

斗門橋 在縣北二十里

馮塘橋在縣北二十里

虎塘橋在縣東北四十里

豆橋在縣南二十里

張野橋在縣南二十里

湖橋在縣西一十八里

德橋在縣南六十里

王堰橋在縣西南二十五里

洪橋在縣西南六十五里

塘路橋在縣北十五里

二百九

建康志卷十六

四十五

徐塘橋在縣西二十七里

徐橋在縣西北三十五里

南陽橋在縣西南四十里

西里橋在縣西南六十里

春雨橋在縣東舊日東市橋嘉定十四年三月知縣

陸子遺重修

西市橋在縣西

義橋在縣北六十里祥符潤州圖經云徑瀆關一十

步縣西十三里長塘湖北口至江寧府溧陽縣三十

七里春夏水深三尺勝五十石舟秋冬深一尺勝二十石舟隋大業末宣州末世令達奚明因晉宋之舊加䟽决爲橋甃甃兩岸取其堅固今橋在溧陽縣界

嘉定橋

在縣西北四十里陵跨中江本名中江橋俗

名中橋或呼爲通江橋唐開元中縣令喬翔嘗創浮梁本朝元祐三年建橋曰眾樂傾圯久之公私病涉慶元中縣丞周文璞奉檄興剏伐石粗集而不果成嘉定十一年俞運使建行部命縣尉趙時頌重建改今名

一百一十

建康志卷十六

四十六

右隸溧陽縣境

二十四航舊在都城內外卽浮橋也

考證案輿地志云六朝自石頭東至運瀆總二

十四渡皆浮航往來以稅行直淮對編門大航

用杜預河橋之法本吳時南淮大橋也一名朱

雀橋當朱雀門下度淮水王敦作逆溫嶠燒絕

之今皆廢宋人有詩青山綠水遶迢迢九月江

處不吹簫。揚虞部詩青雀浮航夜照波星繁

雲靜月華多玉樓人凭欄干立直下天心耿耿

河。馬野亭詩秦淮二十四浮航何似高高虹

作梁恐有兵戎來暮夜可除板索當城隍淮深

是維持令有道却將夷狄守封疆

四航皆秦淮上曰丹陽曰竹格曰朱雀曰驃騎

考證案實錄晉寧康元年詔除丹陽竹格等四

航稅注云王敦作逆從竹格渡卽此航也朱雀

航本吳時大航驃騎航在東府城外渡淮會稽

王道子所立并丹陽郡城後航總爲四航。今

四航皆廢鎮淮橋卽朱雀航舊所也詳見橋類

揚虞部詩橋上層樓樓上梯秦淮兩岸綠楊堤

春風影動波光碎翬翼孤飛雀並棲。○**馬野亭**

要識當時朱雀航秦淮岸口駕浮梁旣爲銅雀

施重屋又作璇題揭上方波底淨涵樓閣影橋

間望斷水雲鄉不知此處今何在須有遺基在兩傍

津渡

石頭津在城西方**山津**在石頭津之東

考證隋食貨志云郡西有石頭津東有方山津各置津主一人曹一人直水五人以檢察禁物及亡叛者

龍安津在城西北二十里與真州宣化鎮相對今為

靖安渡

南津在城西南

考證金陵故事云南朝置校尉以鎮此津侯景

二百九十三

建康志卷十六

四十八

入寇舉朝無犯難之夫惟校尉江子一與弟二人同死王事梁書江子一嘗為南津校尉

五馬渡在上元縣西北二十三里幕府山之前晉元

帝與彭城等五王渡江處按晉書太安之際童謠云

五馬浮渡江一馬化為龍及永嘉中元帝登大位乃

其符云五馬之名取此會稽詩仲達欺孤與操同豈

知否班特浮江自化龍。揚備詩何事金陵王

氣鍾琅邪開幕據江東舟人忽見風雲起一旦

塵扇渡在朱雀航之左

考證 晉太安二年廣陵相陳敏據建業顧榮密

報劉準率兵臨江敏令甘卓屯橫江榮與周玘

因卓兵斷橋盡收船於淮水南敏自出軍臨大

航岸榮以白羽扇揮之其軍自潰因以為名

楊虞

部 旌旗爍日刃凝霜甲馬如龍人似狼羽扇

一麾風偃草策勳多謝顛丹楊。 **馬野亭詩** 此

扇拈來一羽輕如何退得十千兵百年雨露蒙

君賜一日衣冠繫賊營正欲倒戈為向背遠觀

揮手極分明而今但得旌

旗白便可中原取次行

五城渡 在上元縣東二十五里

考證 晉王敦死王含錢鳳乃率餘黨自柵塘西

三百七十六 **建康志卷十六** **四十九**

置五城造營案圖經五城如却月勢高二丈相

去各二十丈。陶季直京都記五城邊淮帶湖

祖道送歸多集此處。唐景雲中縣令陸彥恭

於城側造橋度淮水即今之五城渡也

按 建康實錄王敦作逆從竹格渡即此航也

在今縣城西南二里 輿地志云兩岸要衝處並以航

十四所平陳惟此渡獨存今舊橋西是其處

馬家渡 在府界上

考證 皇朝中興編年綱目載云采石江闊而險

馬家渡江狹而平兩處相去六十里皆與和州對岸昔金人入寇直犯馬家渡則此渡比采石尤爲要害今分上下二渡

張公凸渡 在上元縣金陵鄉長慶村之西正臨大江與真州六合縣梅家步相對自張公凸渡至南岸夏四十里冬五十里

考證 石邁古跡編云隋文平陳宇文述以行軍總管自六合濟卽此也今皆嚴備

堰埭

浮山堰 慶元建康志云在城東南二十里梁天監十三年築

考證 按梁史天監十三年用魏降人王足計欲以水灌壽陽乃假太子左衛康絢節督卒二十萬作浮山堰於鍾離不知何所據也今志云在建康

杜橋堰 在城南三十里長五里闊一丈五尺堰杜橋

浦水

二百三十一

真武橋堰 在城南三十七里長三里闊二丈堰浦水

通秦淮

牧馬橋堰 在城西南七十里長三里濶二丈五尺堰

牧馬浦水

百環堰 在句容縣西南三十五里通秦淮屬上元縣

界與福祚鄉相接

黃城堰 在句容縣東三十里長一里深四丈灌田三

百畝

陶堰 在句容縣南六十里其堰逐年填塞不能瀦水

屬臨泉鄉五都

范家堰在句容縣西北三里灣曲長二里深四尺灌田二百畝在通德鄉第二都

周戴新堰在句容縣南一十五里通百堰堰

於家堰在溧水縣南九十里長一十里

銀林堰在溧水縣東南一百里長一十二里卽魯陽五堰也

考證按前漢地理志丹陽郡蕪湖注云中江出西南東至陽羨入海後漢郡國志蕪湖中江在

西又水經云中江在丹陽蕪湖縣南東至會稽陽羨縣入于海孔穎達書義疏亦引漢史爲證今蕪湖縣南有支江俗稱爲縣河經縣市中東達黃池入三湖三湖丹陽顧城石白湖也至銀林止所謂中江東至陽羨卽此也蘇常承此下流常病飄沒故築銀林五堰以窒之自是中江不復東而宣歙皆由蕪湖西出達于大江故濱湖之地皆隄爲圩田中江亦漸隘狹故老云當時慮後人復開此道則蘇常之間必被水患遂

以石室五堰路又液鐵以固石故曰銀淋今訛
爲林

分水堰 在溧水縣東南一百里長一十五里

苦李堰 在溧水縣東南一百五里長八里

何家堰 在溧水縣東南一百一十里長九里

余家堰 在溧水縣東南一百一十五里長一十里春

冬載二百石舟

考證 昔吳王闔閭伐楚因開此瀆運糧東通太

湖西入長江南唐書楊行密據宣州孫儒圍之

五月不解行密將臺濛作魯陽五堰拖輕舸饋
糧故軍得不困卒破孫儒魯陽者卽於家等五
堰是也故道尙存

首坡堰 在溧水縣西北一十里長一里闊一丈五尺

龍墩堰 在溧水縣西北二十五里長一里闊一丈五尺

馬利堰 在溧水縣西北四十里闊一丈八尺

高庄堰 在溧水縣南九十五里長一十里

南高堰 在溧陽縣北六十里檀口橋前長一十步

在溧陽縣西南二十五里

鷄鳴埭

建康實錄青溪有橋名募士橋橋西南過溝

有埭名鷄鳴埭齊武帝早遊鍾山射雉至此鷄始鳴

圖經云今在青溪西南潮溝之上又按南史齊武帝

數幸琅邪城宮人常從早發至湖北埭鷄始鳴故呼

為鷄鳴埭若爾其埭又當近北父老傳云今清化市

真武廟側是其處也二埭恐皆當時所歷姑兩存之

蒙塵獵騎奔如電到此聞鷄第一聲。馬野亭

臺城五里到青溪埭在青溪西復西向日只

緣貪射雉常時過此始鳴鷄輦鷄用處亦無幾
羽翮貢來誰敢稽便是遊田
須有節如何晨夕恣荒迷

三百七十五

建康志卷十六

五十四

方山埭

建康實錄吳赤烏八年使校尉陳勳發屯田

兵於方山南截淮立埭號方山埭又按南史湖熟縣

方山埭高峻冬月行旅以為難齊明帝使沈瑀修之

瑀乃開四洪斷行客就作三日便辦其埭今去城四

十五里

柏岡埭

赤山湖埭也宋元凶傳決破柏岡方山埭以

絕東軍亦曰百岡堰

南埭

今上水閘也王荆公贈段約之詩云聞君更欲

通南埭割我鍾山一半青

正對今
青溪閣

長溪埭 在城南五十里闊二丈堰秣陵浦水通秦淮

破崗埭 按建康實錄吳大帝赤烏八年使校尉陳勳

作屯田發兵三萬鑿句容中道至雲陽以通吳會船

艦號破崗瀆上一十四埭上七埭入延陵界下七

埭入江寧界於是東郡船艦不復行京江矣晉宋齊

因之梁以太子名綱乃廢破崗瀆而開上容瀆在句

容縣東南五里頂上分流一源東南流三十里十六

埭入延陵界一源西南流二十六里五埭注句容界

上容瀆西流入江寧秦淮至陳霸先又堙上容瀆而

更修破崗瀆隋既平陳詔並廢之以此知六朝都建

雲陽西城水道徑至都下故梁朝四時遣公卿

行陵乘舫自方山至雲陽謝靈運為末嘉太

守鄰里相送於方山徐陵上容路碑有云濤如

白馬既礙廣陵之江山日金牛用險梅湖之路

莫不欣茲利涉玩此

脩渠雲陽今丹陽縣

縣錄 在溧水縣東南八十里長二里闊二丈與溧陽

縣分界其埭上下有二派上一派西北入縣界

景定建康志卷之十六